

丙午傳于政院曰上使處白細絲紬二十匹亦加付標且以此數俱錄密授通事以告上使無妨○夜巽方坤方東方如火氣

○平安省義州終日雨土朦霧

丁未憲府啓曰前司議具渰本以陰邪之人聚會羣不逞之人于其家推占吉凶與聞兇逆不道之言

當尹元者李建陽等推卜

聖筭吉凶其家

其黨惡無君之罪極矣獲保首領安居都下亦已幸

矣給牒之命又加於此人物情極為憤激請速還收成命答曰身渰以其時逆賊之輩構成虛語之事被罪已久雖給牒何妨不免後兩司累月論啓不免

戊申禮曹啓曰桂山君年乃當代大功親當輟朝二日今日請宴停行以告于兩使何如傳曰都承旨今往大平館告兩使曰今日欲奉大人適有親屬之服未果也初二日亦忌也初三日相會何如都承旨李鐸回啓曰臣以傳教之意往告于天使則上使答曰近者連日下雨未得奉拜心甚懸仰今聞殿下遭切親之服必減膳撤樂矣初三日赴宴於心猶以為未安遣承